



J.U. MUZEJ SARAJEVA; Sarajevo, Bosna i Hercegovina; Tel.: ++ 387 33 475 740;
www.muzejsarajevo.ba; E-mail: muzejsarajevo@bih.net.ba; ID broj: 4200645360005

Na osnovu člana 6. i 7. Uredbe o postupku prijema u radni odnos javnom sektoru na teritoriji Kantona Sarajevo („Službene novine Kantona Sarajevo“, broj 19/21, 10/22, 28/23 i 32/24), člana 15. stav (9) Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj 10/23 i 12/24), Odluke Vlade Kantona Sarajevo o davanju saglasnosti Javnoj ustanovi “Muzej Sarajevo“ za prijem u radni odnos na neodređeno vrijeme, broj: 02-04-29943-31/26 od 11.06.2026. godine, te Odluke Upravnog odbora JU „Muzej Sarajevo“ Sarajevo broj: 488-01-1/2026 od 16.07.2026. godine, objavljuje se:

JAVNI KONKURS/OGLAS
za prijem u radni odnos na neodređeno vrijeme

Radna mjesta:

1. Muzejski pedagog, - jedan (1) izvršilac,
2. Tumač na izložbi - Vodič, - dva (2) izvršioca.

POZICIJA 1.

1. U radni odnos na neodređeno vrijeme, na radno mjesto Muzejski pedagog može biti primljeno lice, koje pored opštih uslova utvrđenih zakonom, ispunjava i sljedeće posebne uslove:

- a) VSS (VII stepen stručne spreme) ili prvi (180/240 ECTS) ili drugi (300 ECTS) ciklus Bolonjskog sistema studiranja, Filozofski fakultet grupa historija; historija umjetnosti; etnologija; arheologija; pedagogija i psihologija, Ekonomski fakultet, Fakultet političkih nauka, Muzička akademija, Akademija likovnih umjetnosti, Prirodno-matematički fakultet - grupa geografija (turizam, geoekologija);
- b) najmanje jedna godina radnog iskustva u struci nakon sticanja fakultetske diplome;
- c) položen odgovarajući stručni ispit za muzejskog pedagoga;
- d) aktivno znanje engleskog jezika;
- e) poznavanje rada na računaru

Opis posla:

- a) obavlja poslove i djelatnosti Muzeja iz domena obrazovno-vaspitne uloge Muzeja;
- b) objašnjava stalne, povremene i pokretne izložbe;
- c) održava predavanja i stručno vodi kroz Muzej i depandanse Muzeja grupe posjetilaca različitog uzrasta i obrazovanja;
- d) sarađuje sa školama, prosvjetno-pedagoškim zavodima i drugim prosvjetnim organizacijama, turističkim agencijama u cilju popularizacije Muzeja i povećanja broja posjetilaca;
- e) samostalno vodi i učestvuje u postavljanju stalnih, povremenih i pokretnih izložbi kao i pri izradi legendi, vodiča i prospekata za pojedine izložbe;
- f) radi na pronalaženju i primjeni novih savremenih metoda obrazovnih djelatnosti;
- g) radi na realizaciji Marketing plana muzeja;
- h) organizovanje nagradnih takmičenja za učenike, izložbi likovnih radova učenika inspirisanih zbirkama i eksponatima u Muzeju, kao i širom kulturnom baštinom i u tom cilju sarađuje sa omladinskim institucijama i organizacijama i pruža stručnu pomoć odgovarajućim sekcijama učenika;
- i) angažuje se na poslovima propagande Muzeja i izradi propagandnih materijala, prospekata, razglednica i suvenira;
- j) stara se o urednom vođenju knjige posjetilaca;
- k) po potrebi raspoređuje se i obavlja poslove rukovodioca određene muzejske zbirke;
- l) radi i druge poslove po nalogu direktora.

Iznos osnovne plaće za radno mjesto Muzejski pedagog iznosi = 1.989,47 KM.

POZICIJA 2.

2. U radni odnos na neodređeno vrijeme, na radno mjesto Tumač na izložbi - Vodič može biti primljeno lice, koje pored opštih uslova utvrđenih zakonom, ispunjava i sljedeće posebne uslove:

- a) SSS, Gimnazija, Škola primijenjenih umjetnosti, Srednja tehnička škola, Srednja turistička škola, Srednja ekonomska škola;
- b) radno iskustvo u trajanju od jedne godine u struci nakon sticanja diplome;
- c) probni rad u trajanju od (3) tri mjeseca.
- d) poznavanje engleskog jezika;
- e) poznavanje rada na računaru

Opis posla:

- a) vrši prodaju ulaznica;
- b) vrši prodaju suvenira i muzejskih izdanja (katalozi, monografije i sl.);
- c) odgovara za novac od prodaje do razduženja na blagajnu muzeja ili banku;
- d) vodi evidenciju posjetilaca;
- e) prati na monitoru kretanje posjetilaca i vrši nadzor nad eksponatima;
- f) vodi posjetioce kroz izložbu;
- g) radi i druge poslove po nalogu direktora.

Iznos osnovne plaće za radno mjesto Tumač na izložbi - Vodič iznosi = 1.680,00 KM.

II

Mjesto rada: sjedište poslodavca u ulici Josipa Štadlera br.32 ili u jednom od pet depandansa poslodavca, ili izvan sjedišta Poslodavca (gostovanja), ukoliko to zahtijeva priroda posla.

Radno vrijeme u skladu sa članom 45. Pravilnika o radu JU „Muzej Sarajeva“ Sarajevo broj: 085-01-1.4/23 od 17.04.2023.godine, broj: 538-01-1/24 od 09.05.2024. godine i broj: 512-01-1/25 od 25.06.2025. godine.

Radni odnos se zasniva na neodređeno vrijeme, a na osnovu Odluke Vlade Kantona Sarajevo broj: 02-04-29943-31/26 od 11.06.2026. godine.

III

Kandidati su dužni dostaviti sljedeću dokumentaciju:

- svojeručno potpisanu pisanu prijavu na javni konkurs sa kontakt podacima (adresa, broj telefona i e-mail) i tačno navedenim radnim mjestom na koje se prijavljuje,
- kraću biografiju – CV,
- diplomu o traženoj stručnoj spremi (original ili ovjerena fotokopija),
- izvod iz matične knjige rođenih (da nije stariji od 6 mjeseci od dana izdavanja od strane nadležnog organa, osim ako se radi o dokumentu koji je trajnog karaktera) original ili ovjerena fotokopija;
- uvjerenje o državljanstvu (ne starije od 6 mjeseci od dana izdavanja od strane nadležnog organa),
- uvjerenje/potvrda poslodavca ili potvrda nadležnog PIO/MIO osiguranja o ostvarenom radnom stažu i posjedovanju traženog radnog iskustva nakon sticanja diplome (radna knjižica/kopija, ugovor o radu/volontiranju/djelu ne mogu poslužiti kao relevantan dokaz o radnom iskustvu),
- uvjerenje o poznavanju engleskog jezika (original ili ovjerena fotokopija)
- uvjerenje o poznavanju rada na računaru (original ili ovjerena fotokopija)
- uvjerenje o položenom odgovarajućem stručnom ispitu za muzejskog pedagoga (za poziciju 1) (original ili ovjerena fotokopija),
- Saglasnost (nalazi se u prilogu Javnog oglasa), koju je potrebno ovjeriti u nadležnoj općini

Kandidati koji se pozivaju na pravo prednosti pri zapošljavanju po nekom od posebnih propisa obavezni su dostaviti sljedeću dodatnu dokumentaciju:

- uvjerenje ili rješenje o statusu prema tački VI, izdate od strane nadležnog organa
- uvjerenje da se kandidat nalazi na evidenciji nezaposlenih osoba JU „Služba za zapošljavanje Kantona Sarajevo“ ne starije od datuma objavljivanja ovog oglasa ili potvrdu poslodavca da je kandidat zaposlen na određeno vrijeme ne starija od datuma objavljivanja ovog oglasa ili potvrdu poslodavca da je kandidat zaposlen sa nižom stručnom spremom u odnosu na onu koju posjeduje uz obaveznu naznaku stepena spremne (zanimanja) s kojom je radnik zasnavao radni odnos kod poslodavca ne starija od datuma objavljivanja ovog oglasa,
- CIPS prijava prebivališta na teritoriji Kantona Sarajevo u momentu prijave na javni oglas.

NAPOMENA: Kandidati su obavezni dostaviti tražene dokumente (u originalu ili ovjerenoj kopiji) o ispunjavanju općih i posebnih uslova, stim da ovjerene kopije nemaju ograničen rok važenja, pod uslovom da ni dokumenti čije su kopije ovjerene nemaju naznačen (preciziran) rok važenja.

Izabrani kandidat će biti dužan dostaviti ljekarsko uvjerenje o zdravstvenoj sposobnosti prije zaključivanja ugovora o radu.

IV

Prijave na javni oglas sa traženom dokumentacijom dostaviti u zatvorenoj koverti lično ili putem poštanske službe preporučenom pošiljkom na adresu: JU „Muzej Sarajeva“ Sarajevo - Komisija, ulica: Josipa Štadlera broj 32, sa naznakom: „NE OTVARAJ – PRIJAVA NA JAVNI OGLAS ZA PRIJEM U RADNI ODNOS NA RADNO MJESTO: _____“ (navesti radno mjesto na koje se kandidat prijavljuje).

Prijave se ne mogu vršiti putem e-maila.

V

Lista oblasti iz kojih će se polagati praktični ispit - su objavljeni na web stranici JU „Muzej Sarajeva“ Sarajevo www.muzejsarajeva.ba, a ista se može preuzeti i u sjedištu JU „Muzej Sarajeva“ Sarajevo.

VI

Prilikom izbora kandidata prednost će imati kandidati koji po posebnom Zakonu o dopunskim pravima boraca-branitelja Bosne i Hercegovine („Službene novine Kantona Sarajeva“, broj:45/12- Prečišćeni tekst, 26/14, 46/17, 18/19, 20/20, i 24/20- Ispravka), Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajeva“, broj: 19/21, 10/22, 28/23 i 32/24) i Instrukcijama o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajeva“, broj: 38/20 i 28/21 – Izmjene i dopune) imaju prioritet u zapošljavanju. Prioritet u zapošljavanju kandidati dokazuju odgovarajućim dokumentima (uvjerenje/rješenje) koje prilažu uz prijavu na javni konkurs, izdatu od nadležnog organa u skladu sa Uredbom o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajeva“, broj: 37/20 i 27/21) kako slijedi:

Redni broj	Pripadnost branilačkoj kategoriji	Naziv dokaza-dokumenta	Organ koji ga izdaje
1.	Član porodice šehida/poginulog, umrlog i nestalog branioca	-Uvjerenje o statusu djeteta šehida-poginulog, umrlog i nestalog branioca -Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca -Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencije iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje u obliku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) Ratnog vojnog invalida b) Dobitnika ratnog priznanja i odlikovanja c) Demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na : a) Invalidninu, b) Mjesečni novčani dodatak c) Uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencije iz oblasti vojne obaveze prema mjestu prebivališta.
6.	Supruga ratnog vojnog invalida	a) Uvjerenje o statusu supruge ratnog vojnog invalida	a) Općinska služba- Matični ured b) Općinska služba za boračko

	b) Rješenje o priznatom pravu na invalidsku zaštitu invalidninu	
--	---	--

VII

Nepotpune, neblagovremene i neuredne prijave, kao i kopije tražene dokumentacije koje nisu ovjerene na način zahtjevan konkursom, neće se uzimati u razmatranje.

Telefon kontakt osobe za davanje dodatnih obavještenja: 033 475 741

e-mail: muzejsarajevo@bih.net.ba

VIII

Javni konkurs će biti objavljen u dnevnom listu „Oslobođenje“, na web stranici Ministarstva kulture i sporta Kantona Sarajevo, na web stranici JU „Muzej Sarajevo“ Sarajevo, na web stranici JU „Služba za zapošljavanje Kantona Sarajevo“ i na oglasnoj ploči Muzeja.

Javni konkurs ostaje otvoren 10 dana od dana objavljivanja u dnevnim novinama.

(Prezime i ime kandidata)

(Adresa stanovanja)

(Kontakt telefon)

(e-mail adresa)

SAGLASNOST

Ja, _____, dajem saglasnost da se moji lični podaci mogu obrađivati u svrhu provođenja konkursne procedure uključujući objavu rezultata i obavijesti o izboru kandidata u proceduri po Javnom oglasu, objavljen dana _____, za prijem u radni odnos na neodređeno vrijeme u JU „Muzej Sarajeva“ Sarajevo, a u skladu sa važećim propisima Zakona o zaštiti ličnih podataka BiH (Službeni glasnik BiH broj 12/2025).

Mjesto _____

Datum _____

Potpis davaoca saglasnosti
